



**UDALBATZAK 2005EKO EKAINAREN 30EAN EGINIKO EZOHIKO OSOKO BILKURARI
DAGOKION AKTA**

Errenteriako Udaletxean, bi mila bosteko ekainaren hogeita hamarreko 09:08 zirela, lehenengo deialdian eta Juan Carlos MERINO GONZALEZ alkate jaunaren esanetara, ondorengo zinegotziak elkartu dira:

- M^a Mar MARTÍNEZ FERNANDEZ
- Joaquin ACOSTA PACHECO
- Jose Miguel GOLMAYO GAUNA
- Joseba Iñaki URIBE BURGOA
- Gema INSAUSTI MERINO
- Jose Angel SANCHEZ GALLARDO
- Joseba ETXARTE MARTIN
- Silvia ASTORGA MARTINEZ
- Miguel A. BUEN LACAMBRA
- Luis M^a OIARBIDE ARIZMENDI
- Jose M^a BURGOS VIÑARAS
- Mikel CARCEDO MITXELENA
- Juan Ignacio MENDEZ BEGUE
- Maite PEÑA LOPEZ
- Mikel ARRETXE GUTIERREZ
- Jon Ugutz ORMAETXEA BERROETA
- Lucia PERALTA RODRIGUEZ
- M^a Angeles BASTOS FERNANDEZ
- Elias MAESTRO RUIZ
- Jose Cruz LEGORBURU AYESTARAN

Era berean, bertan dago udal kontu-hartzaile Jose M. ARENZANA GARCIA jauna.

Bertan dago eta egintzaz fede ematen du idazkari nagusi Francisco Javier LESCA EZPELETA jaunak.

GAI BAKARRA.- Alkate hautaketa eta kargu hartzea, hala badagokio.

Udaleko idazkari nagusiak bertaratuei afera hauetarako indarrean dagoen araudiaren berri eman die. Horrela, hautaketarako prozedura Hauteskunde-legeriaren Lege Organikoaren 196 artikulua dioena baliatzen da. Hots:

- Izangaiak zinegotzi zerrendaburu guztiak izan daitezke.



- Bateren batek gehiengo osoaren botoak jasotzen baditu, hautatua izendatzen da.
- Gehiengo osoa izangai bakar batek ere ez badu erdiesten, orduan botorik gehien lortzen duen alderdiko zerrendaburua izendatzen da alkate.

Era berean, Antolaketa, Funtzionamendu eta Tokiko Araubide Juridiko Erregelamenduaren 40.1 artikulua zera jartzen du: alkate-hautaketako hautes-araudian xedatutakoaren arabera egiten dela, beti ere Udalaren osoko bilkurei buruzko araudiak aplikatu edo besterik esaten ez duten bitartean. Hori horrela, araudi propiorik ez dagoen kasuetan, aipatu Araudiaren 3. Sekzioko, I. Kapituluko III. tituluak arautzen du, zeinak bozketak nola egin arautzen baitu. Horren arabera, pertsonaren hautaketa denez, bozketa sekretua egin daiteke boto-txartelekin. Horretarako, idazkariak, deitura-ordenaren arabera, zinegotziak deituko ditu, eta hauek izangaiaren izena jarriz paper hori ontzi batean ipiniko dute.

Bozkatu ostean, idazkariak botoak kontatu eta emaitzaren berri emango du. Ondoren, alkateak hartutako erabakiaren berri emango du.

Alkate izendatua suertatzen denak karguaren posesioa hartuko du Udaltzaren aurrean, beti ere kargu publikoek posesioa hartzeko ezarritako erari jarraiki.

Zerrendaburu zirelako ondokoak izan dira **izangaiak izendatuak**:

- Juan Carlos MERINO GONZÁLEZ, SV-ES-koa.
- Luis Mari OIARBIDE ARIZMENDI, EAJ-EA-koa.
- Lucia PERALTA RODRIGUEZ, PP-koa.
- Elias MAESTRO RÚIZ, EB-koa.

Idazkariak zinegotzi bakoitzari paper txuri bana eman die, hain zuzen bertan izangai baten izen-deiturak ezarri eta bozkatzeko.

Paperak ontzian sartu ondoren, idazkariak ireki eta kontatu ditu, emaitza hauxe izan delarik:

- Juan Carlos MERINO GONZÁLEZ jaunak 14 boto.



- Luis Mari OIARBIDE ARIZMENDI jaunak 7 boto.
- Lucia PERALTA RODRÍGUEZ andreak ez botorik izan.
- Elias MAESTRO RÚIZ jaunak ez du botorik izan.
- Zuriak: bakar bat ere ez.
- Nuluak: bakar bat ere ez.

Bozketaren emaitza ikusi ondoren, jarduneko alkateordeak Juan Carlos MERINO GONZÁLEZ izendatu du Errenteriako Udaleko alkate, hain zuzen gutxienez beharrezkoak ziren hamaika boto baino gehiago lortu dituelako.

Jarraian, hautes-araudiari buruzko Lege Organikoaren 108.8 artikuluan xedatutakoaren arabera, alkateak karguaren posesioa hartu du horretarako ezarritako formularen bidez, eta bere karguari dagozkion betebeharrak zintzo eta Erregearekiko leial jardunez eta Konstituzioa Estatuko oinarritzko arautzat hartu eta betearaziko duela zin egin du.

Miguel A. Buen Lacambra jaunak, aurreko alkateak, aginte-makila eman eta Udalbatzako domina ezarri dio.

* Ondoren, Juan Carlos Merino Gonzalez alkatea (Socialistas Vascos-Euskal Sozialistak) mintzatu da eta eskerrak eman dizkie bozkatu dieten guztiei, esku hartu duten guztiei eta gaur hemen lekukotasuna, maitasuna eta adiskidetasuna erakutsi dieten guztiei. Horrez gain, ekitaldi honek berak, eta batez ere, bere gain hartzen duen erantzukizunak zirrara eragiten diola, nabarmendu du. Erantzukizun hori -beti esan ohi izan duen eran, baina orain sekula baino ozenago- Errenteria herri zoragarriaren herritarrei zerbitzatzeko jartzen du. Bere irudiko, zerbitzu horrek zailtasunak eragingo dizkio, baina hein batean bederen, horien berri baduela, esan du. Hala ere, bere aburuz, oraingo honetan zailtasun gehiago izango du hainbat urtez alkate izan den Miguel Buen jauna –oso alkate ona, zoragarria- izango delako erreferentzia. Halaber, badaki oso zaila izango dela haren parera iristea, baina berak bere aldetik ahaleginak egingo ditu. Berak, ahalegin hori Errenteriak antzemango diola, uste du, eta ez badu egiten, jakina den moduan, kontuak eskatzeko aukera izango duela, esan du. Berak dioenaren arabera, orain arte egon den moduan, eskuzabalik egongo da erreklamazioak, proposamenak eta arazoak jasotzeko. Bere ahalegin xumean saiaturik da, batez ere, laguntzarik gehien behar dutenen alde egiten. Eta amaitzeko, etorri diren guztiei berriro eskerrak eman dizkie.

ERREENTERIAKO UDALA

Idazkaritza



AYUNTAMIENTO DE ERREENTERIA

Secretaría General

Eta aztertu beharreko gai gehiagorik ez zegoenez, batzordeburuak bilkura amaitutzat eman du egun bereko 9:20 zirela. Eta aztertutakoa eta erabakitakoa jasota gera dadin Akta hau egin dut Erkidego Autonomoko paper ofizialean, _____zenbakitik _____ra, eta nirekin batera Alkateak sinatu du. Egiaztatzen dut.